



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

Titvlvs IV. De Sponsa duorum.

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

**TITVLVS IV.
DE SPONSA DUORUM.**

§. I.

Si quis bina sponsalia cum diversis contraxerit, quanam sint servanda?

SI quis sponsalia de presenti, sive matrimonium, contraxit successivè cum duabus, debet adhærere primæ; si verò prius contraxit sponsalia de futuro cum una, & postea per verba de presenti matrimonium cum altera debet adhærere secundæ, prout sumitur ex *Duobus 1. h. t.* in priore enim casu non poterat cum posteriore matrimonium contrahere, priori jam legitimo vinculo obligatus matrimoniali; in posteriore verò casu, cum priori vinculo sponsalium de futuro, novum & fortius vinculum sponsalium de presenti, sive matrimonii superveniat, consequenter ad hoc posterius tenebitur, non autem ad prius.

§. II.

An sponsalia de presenti dissolvantur per sequens matrimonium consummatum?

Respondetur negativè, juxta *c. Licet 3.* & juxta *c. Tunc 5. h. t.* cum enim vi primi matrimonii, quamvis ratum illud sit tantùm, dominium corporis ad potentiam copulæ translatum jam sit in uxorem, consequenter non potest vir

v. g. qui jam non est dominus sui corporis ad potentiam generandi, in aliam transferre ad hunc finem: & hinc, quavis per sponsalia de futuro alicui obligatus, possit cum tertio contrahere de presenti, cum vinculum illud indissolubile non sit, licet propter fidem fructum pariter affici possit, & obnoxia fuerit illi alicui; non potest tamen, que de presenti desponsat alicui per verum matrimonium fuit, cum ullo altero, vivente priore marito contrahere; & si contraxit de futuro cum aliquo, ab hoc separari debet, & neque mortem prioris mariti huic cubere potest, ne occasio captandæ mortis prioris mariti detur, si tamen cum postea hoc accesserit copula, prout requirit impedimentum criminis, de quo infra.

§. III.

An appellans in causa matrimoniali, possit lue pendente, aliud matrimonium contrahere?

Affirmatum hoc jam est in *T. 1. h. t. de Libris, Sect. 6. §. 2.* sub debita limitationibus, qua ibi videri possunt, cum litis pendentia non sit impedimentum dirimens. Videatur etiam *c. Tunc fraternitas 4. h. t.* ex quo etiam habetur, quòd separari quidem hi taliter contentiones debeant, ne multorum adulteriorum detur occasio, si postmodum appareat, quòd prius matrimonium de quo

quo mora fuit his, validum sit, absolute prius matrimonium nullum fuisse; tamen invalidum hoc non est, ut novo constet. postmodum consensu indigeat, si

TITVLVS V.

DE CONDITIONIBUS APPOSITIS IN
DESPONSATIONE, VEL IN ALIIS CON-
TRACTIBUS.

§. I.

Quid sit conditio, & quotuplex;
quid modus, causa, & demonstratio, qua
matrimonio aliisque contractibus
apponuntur?

Conditio proprie dicta, prout hic ac-
cipitur, est dispositio, sive actus,
vel contractus suspensio in futurum tem-
pus, & eventum incertum (& hinc con-
ditio de presenti, aut praeterito, non fa-
cit proprie conditionatum contractum)
quae communiter explicatur, per particu-
lam Si, ut consentio in tuas nuptias, si
pater tuus consenserit. Modus est quali-
tas adiecta dispositioni, sive adiectio
oneris, ad quod obligare volumus con-
trahentem, & communiter explicatur
per particulam Ut, duco te v. g. ut ho-
norem & divitias acquiram; causa di-
citur, quando denotatur causa, propter
quam contrahitur, & explicatur per di-
ctionem Quia, contraho tecum, quia
dives es, quia pulchra es, &c. Demon-
stratio denique fit, quando exprimitur
illa qualitas, quae determinat hanc per-
sonam, duco te, quae libera es, quae vir-
go es, &c. conditiones aliae sunt genera-

les, quae cuilibet contractui insunt;
etiam si non exprimantur, si vixerimus
v. g. aliae sunt speciales, & quidem aliae
intrinsecae tali contractui, necessario sci-
licet ad illum contractum requisitae, ut,
duco te, si non sis sanguine mihi iun-
cta, &c. aliae extrinsecae, sine quibus
contractus talis esse potest, ut duco te,
si dives es; & harum iterum aliae neces-
sario eventurae, ut duco te, si cras sol-
oriatur; aliae contingentes & possibiles,
duco te, si pater tuus consentiat; aliae
impossibiles, duco te, si aureum mon-
tem in dotem dederis, aliae honestae;
aliae turpes; aliae indifferentes, & inter
turpes aliae contra substantiam matrimo-
nii, contra triplex scilicet bonum matri-
monii; fidei scilicet, daco te, si adul-
terandam te exponas; generationis, du-
co te, si generationem proles impeditis;
& indissolubilitatis denique, duco
te, si iterum discedere velis, quando
te pulchriorem reperero, &c. aliae vero
turpes quidem sunt, non tamen contra
substantiam matrimonii, ut ducam te,
si fornicata mecum fueris, &c.

Compend. Pirking.